

有細聲，像唱歌仔分你聽樣。成時，雷公還會用曬燈打燈光，用
響雷伴奏，你講，係毋係已生趣？

編號 2 號

【鬧熱个落水天】曾養怡原作

鬧鐘鈴～鈴～響咧！大姍聲喊𠵼遠遠跔床，再過忍床就
會赴毋掣去學校讀書咧。𠵼目西西伸手撤忒鬧鐘，又過橫落舒適
个眠床，毋盼得摺佢分開。欸！毋係天光咧？外背仰還係暗摸胥
疏？探頭看出去，原來係天公派烏雲使者來通知𠵼兜——愛落水
咧！

有人認為落水天係麻煩天，出門愛著水衣，無就擎遮仔，係
無細義，衫褲又會添到溼搭搭仔，去哪就毋方便。學生仔最惱無
法度出去打球仔、搞寮，一下課先生就掌等，麼人都做毋得出
添水，所以一看啊著落水，大家就唉唉唧唧，目盯仔看等雨水
號等歸隻運動坪，實在還惺悴哦！

毋過，落水天對𠵼對來講顛倒係盡鬧熱个日仔。朝晨頭一出
門，滿街路就係滌滌介車仔，這片嘩嘩；該片叭叭，像久見个朋
友相借問樣，大家相賽講起恁久無看著个思念。該兜行路个人，
擎等一支支遮仔花，分雨水一滋潤，就開出五彩个花來，行來行
去像比麼人个花較靚。你係聽較真兜，該雨水打在車頂、屋頂、
水窟抑係樹葉仔頂高个聲音全部無共樣，有高、有低；有大聲、

𠵼當好在落水天打早就去學校，因為該兜平常時圓核核个蝓
螺、蟲蠭全部都會趕出來搞水。學校圍牆係紅毛泥作个，壁頂个
溜苔青里仔，落水該下，蝓螺爬上爬下陣打陣，有个相賽看麼
儕爬較遠，有个彎來幹去做起畫圖个藝術家，又有个停跎在圍牆
頂高享受添水个清涼，逍遙自在。
落水天出來搞寮个蟲蠭盡好膽，衫褲無著就緊拚拚仔出來搞
水，溝洫肚朗朗滾个水流已刺激，幾尾蟲蠭分水沖過去還會搖來
擺去，暢到奈毋得。有个蟲蠭大擣鼙仔趕到路町來，較砸身个還
做得趕轉去；較鑑个將就橫在路徑頭，分天公做主咧！
鬧熱个落水天，有人懊惱，有人歡喜，天公無法度分逐條納
意，惱俚就愛自家改變想法，不管麼个天都係盡好个天。

【蘋果】徐姿華原作

在臺灣，蘋果係無幾見奇個水果，一年四季儘採哪隻水果攤都看得著，毋過，蘋果个魔力，係從細斯深深種在恁心肝脏、因落恁腦膈肚个。

恁兜三姊妹一個一個續等出世了後，屋下個開銷也日見日增加，阿爸就擇阿姆參詳，講佢決定愛放放屋下該坪出息無多個薄田，外出食頭路。為著賺較多兜錢，阿爸去應¹著水壩工程个十輪船運轉手，愛配合工地時間出車，一隻月正有好歇睏兩日定定。

阿爸當珍惜擇屋下人共下個時間，放寮前一日下班，斯透夜提轉來，轉到屋下長下轉點咧，恁兜早斯睡到屎孔孔，阿爸會輕手輕腳來間肚巡，看恁兜有睡好無？有踢被無？佢會擇睡到橫架直架个恁兜拋起來睡正、又擇恁兜个被蓋好，還會喺兜個面煩卵，分阿爸短短个鬚姑剝著²，又癢³又痛又虐削，目睡覺分阿爸吵醒起累贊⁴，目睡摸些⁵哇哇滾墩6，阿姆斯會嚕嚕滾，喊佢毋好

械要⁷人，阿爸會牙牙蛇蛇⁸講：「恁久無看著咧，恁當想恁个心肝妹啊！」還當想愛睡个恁，一下仔又迷迷痴痴睡忒咧，毋過睡夢中仰會鼻著香香甜甜當好鼻个味道呢？

第二日早晨跪床，枕頭脣有一隻又紅又大个蘋果，該香香個氣味斯係昨暗晡著个，該大蘋果還餳人哪！係阿爸轉來咧！恁一想真，遠遠跳下眠床，來毋掣著鞋斯綻等出去，阿爸坐在飯桌前牙喊仔⁹看等恁，恁黏時就跳到阿爸爸个大腳躰頂高坐等，兩隻手纏等阿爸爸個頸根，擗阿爸做嬌。阿姆兜等一鑊燒燒燒面行過來，看著恁樣形笑仔講：「還做嬌哦！遠遠去洗嘴洗面好食朝咧！」恁還係毋肯下來，捕等阿爸爸像一條無尾熊，阿爸笑到哈哈滾，企跪起來擗恁捕去洗身間洗嘴洗面。

阿爸知恁好食蘋果，遂擺做事轉來，斯會買蘋果放在恁个枕頭脣，分恁做得發一隻香香甜甜個夢。恁知阿爸惜恁，恁乜知恁當愛阿爸。該蘋果个香氣、靚靚个外形摺脆甜甜個好味緒，毋知對哪時斯刻落恁个心肝脏咧，該蘋果斯係阿爸爸愛恁、惜恁个印記。

¹ 應：音 ihin'；允諾。

² 劍著：音 cam do'；刺到。

³ 癢：音 hoi；癢。

⁴ 起累贊：音 hi' lui' dui' / hi' lui' zhuī'；要賴。

⁵ 目睡摸些：音 mug shoi+ mia' sia'；睡眼惺忪的樣子。

⁶ 嘞嚕滾：音 giao giao gun'；心有不滿的怨聲。

⁷ 械要人：音 med sa' ngin；捉弄人。

⁸ 牙牙蛇蛇：音 nga nga sha sha；不正經。

⁹ 牙喊仔：音 nga ve' ve' er；牙齒微露微笑的樣子。